



Sabtu, 30 April 2022
Ogen: Kuan-kuanen 17:1



"Perdamen Jadi Perayaken"



Kata dame sipake nandangi kerina tinepa Dibata, baik manusia, sinuan-sinuan, asuh-asuhen. Kata dame e nuduhkan situasi aman, teneng, harmonis, ras la lit perubaten. Suasana dame e me jadi perayaken kerina jelma. Guna nggeluh i bas suasana dame, iperluken usaha i bas dirinta nari, umpamana nggit ngaloken si la bagi ukur. Melala pe erta-ertata, sukses pe pendahinta, sukses pe anak-anakta, la e jaminen kita ngenanami suasana damai.

Engkai maka perdamen e jadi perayaken man banta kerina? Sabap bas perdamen e lit kemalemen ate. Erbage-bage situasi kegeluhen si megati ngerintak kita ku bas perjengilen, perubaten, sabab jadi min ateta rusur bagi si isuraken kita. Renungenta wari enda mereken sada persinget nina, *Madin man la erbengkau tapi dame, asangken man rula-rula i bas rumah si dem perjengilen.*

Bas meja makan banci lit terhidang nakan pangan ras adumna si entabeh tempa adi itatap. Tapi erkiteken lit perjengilen i bas jabu, rembek embek pusuh, melas takal nangkeli perbahanen perbulangen si la bagi ukur, dungna pangan si entabeh ndai pe lanai terpan. Kepeken, mbages kal kawitenna persoalen pusuh ras la pet man. Adi aman-aman pusuh e, nakan saja ras cina si dua-dua e pe entabeh mansa. .

Kalak si nggit mpeturah perdamen/kedamen nandangi kegeluhenna berarti ia kalak si erkemalangen man Tuhan, sebab ietehna uga dalanna ia ngasup mabai geluhna bagi si ngena ate Dibata. Mari, sibiasaken geluh erdame ras maba perdamen ku sekelewetta.